



Étārētia Porotetani Māōhi

Église Protestante Māōhi

N°429.21/P/PF-gt
Papeete, i te 21 no tenuare 2021

Te Peretiteni,

**Te fare toa âpī no te hooraa pūpuhi
e mauhaa tamaì i Māōhi Nui nei.**

Peretiteni no te Hau Māōhi
Tōmiterā Teitei no te Hau Fārani

I roto i te roaraa o te tau i rāterehia mai e tātou, ua ìtehia to tātou fenua e to te ao tāatoà eiaha no te àravehi o teie nūnaa no te faaōhipa i te mau mauhaa tamaì. Ua ìtehia rā o ia no te faahiahia taaê no te fāriiaraa, to na hīroà tumu, to na tura, e te maitaì o te oraraa o ta na e horoà nei i te mau rātere.

Te ìritiraa i te tahi fare toa âpī no te hooraa pūpuhi e mauhaa tamaì, te uiuiraa te manaò no te ìteraa e, no te pāruru i mua ia vai e i te aha. Te mea ta mātou i ìte na roto i te mau veà, e mau mauhaa tamaì atata mau o te tano e faaōhipahia i nià i te mau tahua àroraa e o tei faahinaaro-rahi-hia nei e te feiā hoo raau taèro, terā ihoā rā feiā e hoo nei i te Ice i Māōhi Nui nei.

Parau mau ihoā ia e, mea ètaèta roa te mau faatureraa no te hooraa i te mau pūpuhi. Parau mau, mai ta tātou atoà i ìte, teie mau faaètaètaraa, no te ārairaa ihoā ia, eiaha te tahi fifi ia tupu, e no te haapāpūraa e no te tamarūraa i to tātou feruriraa. Terā rā, ua ìte atoà tātou e, ètaèta noa atu ihoā teie mau faatureraa, eita ihoā rā o ia e faaōre i te mau fifi e tupu mai, ia faaauhia i te mau òhipa e tupu nei i roto i te tahi mau fenua o te ao nei.

Manaò anaè au, te mau fare hooraa pūpuhi e vai nei i te fenua nei, no te òuòuraa puaa e no te heiva, ua ravaì noa. Aita e faufaa e faatupu i te tahi hinaaro faufaa òre no te ìno ta na e faatupu mai te òre roa atu e roaa ia tātou ia tātāi, noa atu e haamauhia te tahi mau ture pāroruraa.

I te matahiti 2012 ra, ua faaite aè na te Apooraa Rahi Amui a te Étārētia Porotetani Māōhi i to na manaò no te tahi ôpuaraa mai teie te huru.

I teie mahana, te haapāpū faahou atu mātou i to mātou manaò patoì no te faaroo e paèpaè nei ia mātou, i te vai-mata-ara-raa i nià i te oraraa o to mātou nūnaa, to na tura, e no te hau i nià i to tātou fenua.


Peretiteni no te Eterera Protetani Māohi
François, Taharii a PHAATAE òrometua